

## HERBERT, WILLIAM (1460 - 1491),

**Enw:** William Herbert  
**Dyddiad geni:** 1460  
**Dyddiad marw:** 1491  
**Priod:** Mary Herbert (née Woodville)  
**Plentyn:** Elizabeth Somerset (née Herbert)  
**Rhiant:** Anne Herbert (née Devereux)  
**Rhiant:** William Herbert  
**Rhyw:** Gwryw  
**Maes gweithgaredd:** Teuluoedd Brenhinol a Bonheddig; Gwleidyddiaeth a Mudiadau Gwleidyddol; Milwrol  
**Awdur:** Howell Thomas Evans

mab hynaf **William Herbert, Iarll Pembroke** (bu farw 1469). Dywed William o Worcester iddo gael ei ddyweddi â Mary Woodville, chwaer y frenhines, a'i wneuthur yn arglwydd Dunster Medi 1466; daeth yn iarll Pembroke ar farw ei dad. Dilynodd ei dad 'without proof of age' yn yr holl swyddi a ddalai hwnnw, a rhoddyd awdurdod iddo i dderbyn i warogaeth y **brenin** yr holl wrthryfelwyr o Gymru oddigeth **Jasper Tudor**. Bu'n gwasanaethu gyda'r brenin yn Ffrainc, 1475, a rhodwyd iddo awdurdod i gymryd Walter ap Gwilym ac eraill i'r ddalfa, Hydref 1477. Ar gais y brenin cymerodd iarllaeth Huntingdon yn lle un Pembroke (Gorffennaf 1479). Yn 1483 cafodd gomisiwn i godi milwyr yn Ne Cymru i ddifodi gwrthryfel Buckingham yn erbyn Richard III. Cafodd flwydd-dâl o 400 marc (Mawrth 1484). Mary, merch Richard, iarll Rivers, oedd ei wraig; bu iddynt un plentyn - Elizabeth, a briododd **Charles Somerset, iarll Worcester**, cyndad dugaidd Beaufort.

### Awdur

Howell Thomas Evans, (1878 - 1950)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n arglwydd cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Evans, H. T., (1953). HERBERT, WILLIAM (1460 - 1491),. Y Bywgraffiadur Cymreig. Adferwyd 18 Tac 2024, o <https://bywgraffiadur.cymru/article/c-HERB-WIL-1460>

LLGC  
NLW

LLYFRGEL  
THE NATION



Nodol gan  
Llywodraeth Cymru  
Comanned by  
Welsh Government